

transportando acquiri et haberi possint et licet arida ligna pro hoc negotio confitendo desiderentur, nihilominus tamen cum nimis diu iam negotium hoc dilatum sit videtur utile futurum quod hi qui silvas fluminibus vicinas habent requirendi sint et rogandi ut ligna cedere permittant et sic negotium instituatur ut universus exercitus tam equitum quam peditum per Danubium transvehatur et deinde ligna in usum commeatus conserventur.

Et cum commissarii certiores facti sint quod prope nigram sylvam huiusmodi arbores et ligna in copia haberi possint si fluvius Danubii super Ulman aperiretur videtur, ipsis itaque summopere necessarium esse ut commissio fiat quo talia impedimenta ex Danubio tollantur quemadmodum antea saepius quoque factum est sic fieret quod minori opera minoribusque copia lignorum comparari possit.

Ut autem haec conficiantur videtur necessarium esse ut aliquot personae ordinentur qui de his rebus peragendis commissiones et facultatem habeant.

Haec tamen omnia commissarii prudenti illustrissimorum ac illustrium dominorum meorum iudicio et castigationi relinquunt.

Item ut tractetur quomodo et ubi nautae acquirendi sint et ut dominis sub quorum dominio resident scribatur ut eis liceat huic negotio sua opera inservire.

Commeatus.

Numerus omnium et singularum personarum tam equitum quam peditum in summa existimatur fore bis centena millia viginti et duo millia octingentae et viginti personae.

Triticum.

Item secundum austriacam computationem opus est ut habeantur in tali exercitu sex menses semper pro octo personis unam mensuram computando quam vulgo aimerum vocant facit pro universo exercitu sex menses viginti septem millia octingenti quinquaginta et duas mensuras tritici cum dimidia.

Avena.

Item cum iusta summariam computationem in tali exercitu fore existimentur equi expediti ac om-

nis generis alii septuaginta tria millia et quingenti tenere austriacae computationis sex menses pro uno equo computantur tres mensurae, facit mensuras bis centena millia vigintia millia et quingenta mensuras.

Vinum.

229*

Pro singulis personis singulis diebus hos sex menses unam mensuram austriacam vini computando opus est ut pro universo exercitu habeantur quadraginta quattuor millia ducenta et quinquaginta vasa vini quae ternarii vocantur.

Carnes.

Item iusta austriacam deductionem videtur necessarium ut pro dicto exercitu habeantur boves quadraginta septem millia.

Butyrum.

Item necessarium esse videtur ut habeantur triginta septem millia et octingentae librae butyri.

Caseum.

Considerandum est quod fortassis tanta copia carnis ut dictum est commode comparari non possit itaque pro restitutione carnum necessarium esse videtur ut habeantur decem millia et quingentae libre caseorum.

Legumina.

Si sorte talis provisio de carnibus ut memoratum est fieri et sufficiens esse non posset debet huiusmodi defectus aliis rebus ut sunt pisa, hordeum, milium, lendes et id genus leguminum ac salsamentis resarciri de quibus rebus omnibus supremus noster commeatus una cum aliis anno nae prefectis quid opus futurum sit et ubi singula comparanda consulere debet.

Nota. Quod etiam discutiendum sit copias bohemorum fore plus 40 millium qui omnis generis equos ut ad viginti millia habebunt sperandum tamen est quod ipsimet suum comeatum sit habituri quod si factum fuerit tanto minor commeatus comparari poterit.

Item, consideratis conditionibus huius commeatus status demere vel addere secundum eorum beneplacitum poterunt.